

臨武縣志卷之三十二

政績志

今天下薄海內外與

聖天子共有斯民者惟良有司耳司牧之道在養與教  
帶牛佩犢田卒汗萊何以裕民則田里樹畜之孔  
棘也顧墉櫛有象而佻達貽譏是馬牛襟裾幾同  
獸畜其何以牖民乎則說禮敦詩之尤不可不預  
矣臨自漢唐以來代著循良有念切農桑者有心  
勞撫字者有興學校揆文教者載筆書之俾龔渤

臨武縣志

卷之三十二

政蹟一

海文蜀郡輩不獨擅美異代而亦不使食浮於人  
者得以尸素參諸能吏間也志政績

曹家玉識

漢

唐羌字伯游汝南人章帝永元間辟公府爲臨武  
縣長縣接南海舊獻龍眼荔枝及生鮮獻之十里  
一置五里一堠晝夜傳送奔騰阻險至有遭虎狼  
毒害頓仆死亡不絕道經臨武羌乃上書諫曰臣  
聞上不以滋味爲德下不以貢膳爲功故天子食  
大牢爲尊不以果食爲珍伏見交趾七郡獻生龍

眼等鳥驚風發南州土地惡虫猛獸不絕於路至  
於觸犯死亡之害死者不可復生來者猶可救也  
此二物入供未必延年章奏上報詔曰遠國珍羞  
木以薦奉宗廟苟有傷害豈愛民之本且勅大官  
勿復受獻羌得報卽棄官還家後屢檄召竟不爲  
起有唐子三十餘篇行於世

唐

張署河間人方質有氣形貌魁碩長於文詞德宗  
貞元間以進士舉博學宏詞爲校書郎自京兆武

臨武縣志

卷之三十二

政蹟二

功尉拜監察御史十九年大旱關中饑署與同輩  
韓愈李方至等同上封事言關中天下根本語侵  
專政者惡之乃以幸臣李實所讒黜爲臨武令同  
時愈亦黜令陽山二邑交境署之任愈猶踰嶺而  
南署往餞之境上後復期宿於境是夜虎入廐以  
韓公之驟去署曰是物不駿於乘虎寅數也來春  
其有徵乎明年正月順宗卽位果得詔俱量移江  
陵椽半歲邕管奏署爲判官改殿中侍御不行拜  
京兆司錄累官至尙書刑部員外郎

宋

王淮字伯清理宗嘉定間來知縣事博雅好古理政之餘則寄興於山水間秀巖記乃其手筆也

徐經孫字中立豐城人理宗寶慶二年進士授瀏陽主簿辟永興令淳祐間來知縣事初臨武諸賦於民無經數民產多爲四遠遊民所占奪詰之則黨衆以抗告訐相蔓引連歲不能決經孫至先正版籍辯主客戶而僞遊者逐歸本路安置井田肅然以後無敢以僞告訐者乃集邑之庠士親爲課

臨武縣志

卷之三十二

政蹟三

授給以朝夕齏鹽絃誦之聲遍東西庠曰吾未知所以繼也又籍戶絕及盜產若干畝入學宮令學官歲獲以自給三年文教大行辟長沙通判潭州屢遷至刑部侍郎升太子詹事輔導東宮者三年景定三年春雷詔求直言經孫對曰數年來忠讜之氣鬱不得行上帝降監故假雷以鳴切中時病時公田法行經孫條其利害忤丞相賈似道拜翰林學士未踰月諷御史舒有開奏免罷歸授湖南安撫使知潭州不拜授端明殿大學士閒居十年

卒贈金紫光祿大夫

胡純南昌人淳祐間由進士來知縣事有惠政尤雅尙文教五鄉各建義塾羣民間之小子畢令充業內擇士之有文行者爲訓諭布以條約塾各置義田師徒取以自贍餘則以給鄉族之不足者在任九年境內以治

元

皮元字如心江西臨江人延祐間由翰林修撰出尹臨武重士崇儒特修廟學博雅有氣誼見邑人

臨武縣志

卷之三十二

政蹟四

陳章伯廉介方嚴上其行於帥闈以薦剡之政尙寬簡民咸樂業焉

李希賢字思齊遼東人延祐間爲臨武尹愛民禮士善聽訟隣邑有訟事經年不平者俱來質於賢各得其情而退嘗語人曰孔子云學道則愛人只此愛人便能生明生斷故邑人立石頌賢之政而題其額曰學愛云

劉畊孫字存吾茶陵人至順元年進士授臨武縣尹臨武地隣諸崗畊孫至召父老告之曰我儒士

也今爲爾尹爾等有子弟亦我之子弟也當體我以儒之教教之孝弟力田之暇則事詩書母限於地乃爲建學校求民間俊秀充業其間延邑儒陳嗣道主教事竟表薦之每念小民多愚昧直誘之爲宜手作孝親敬長等七言絕若干首以遍授鄉民雖不求合律格而自雅質可以興臨武有茶課歲不過五錠後增至五十錠畊孫言於朝除其額歷官至寧國路推官

明

臨武縣志

卷之三十二

政蹟五

賈元凱樂安人洪武三年任時縣治經兵燹之後諸凡草昧凱懷印章來縣結廬聽政招集遺民相與漸次開創越三年官署廟學及坊巷就舉新制又外支兵役之費內撫瘡痍民各安堵如舊秩滿遂家於縣士人至今頌之

楊越太和人先任廣東按察司知事永樂元年陞任臨武縣知縣凡縣事有不便於民者越條其利害言於朝悉可之

甘榮字宗仁馬平人貢士永樂十八年任捐介有

守尤雅愛善類凡有推督如不得已而事亦不廢  
時方董造諸工而民不知役云

邵明吳縣人進士宣德元年來任寬和宜民

吳傑高安人由監察御史出知臨武廉介有風裁  
近吏畏之如神明不敢有舞弄者在任三年四境  
肅然比召還士民遮道留之

秦庸融縣人貢士正統二年任能幹濟廟學乃其  
重建者

郭俊高安人由京衛經歷陞任臨武知縣時縣治

臨武縣志

卷之三十二

政蹟六

遭寇燬民庶失業俊專意撫恤其他修建則付之  
判簿李濬等

莫潛桂林人貢士性敏達當事不避難邑有城自  
天順間築土爲之僅可以守歲久漸圯諸崗獠人  
易之自己巳至辛未再寇城下不陷者幾矣潛舊  
然大議修築甃石填土爲城守久遠計功蓋五倍  
於初矣時用衆舉羸而民不罷於役

路寬橫槎賢士倜儻不羈繼潛來知縣事時城塹  
未訖工而賊報屢至寬立刻督課之更增創各門

敵樓旬月告工成而廣連民導獠獐人來寇寬先募戰士江總等二百餘人結營於南嶺下哨報至營中士卒四出就餉其在營者強半爾賊人擁衆數千驟至衆皆以多寡不敵議避之江曰此地阻險雖有百萬人無所施其衆也我視賊陳不整因其未陳而薄之可以得意遂麾其衆以進賊果亂乘勝逐之而殲焉寬得報乃往勞於營中時江總爲流矢中其股不能步寬卽出所乘之輿以乘江而身自騎以歸迺後五十餘年南人不敢復窺我

臨武縣志

卷之三十二

政蹟七

城宇則以此戰爲之功也初建通濟橋成寬早出閱兵視其路迂迴手指市民而語之曰從此出彼爲便言訖而去士民卽撤屋毀垣如其所指而路焉日中返履之如故道

舊志劉凝齋司馬評曰能吏不善徇民民終賴之往往思於旣去之後慈吏善徇民然以貌及民民被其溫煦者一時實親之而旣去之後無可述之政遂泯焉若寬者可謂能吏矣特不能事上官卒以取誣去位非其罪也至今無老少咸能言其事

陽寅桂林人守己嚴遇事多執嘗書天地鬼神監察於座右在任幾年豪右人以曰吏民相誠不敢犯

郭宏德萬安人貢士愛民禮士初臨武虛有糧額千餘石積爲民累德條其利害以省祭謝端等聞於朝竟從輕折民便之

費懋文號望湖銘山舉人性敏愷有能聲嘉靖中甫下車觀聖廟圯壞命工修葺及諸祭器不典者悉易以錫甚備又指俸置田若干畝以贍士之不

臨武縣志

卷之三十三

政蹟八

足者邑有學田自公始也檢飭諸政恤孤犂鋤強暴擒賊渠首民賴以安每校士論文輒出家所藏書命士抄錄以廣所好邑人咸戴之立生祠以崇報云

金元號友鹿臨桂人以舉人知臨武剛峭廉直與人不甚求合至邑中六小事必婉曲思便於民如理家政然邑故瘠而貧耕桑之外無所殖育不能贍歲輸公常郊行督勸察其勤窳盈歉而齊一之值年凶孳民盆集公請於當路出廩粟賑之並蠲



其租賦之半繇是全活者衆有訟於庭者輒殷然  
譬曉以理訟者戢服卒不科其罪以故獄訟曰息  
政暇則進諸士課之卽盛暑不倦每念邑距會城  
水陸千八百里歲值賔興窶士之應闈試者往往  
難之乃以南城外官地捐俸建市店若干間歲取  
其直貯之以充資斧時東南隅多虎患公往禱焉  
虎竟躍去人咸以爲盛德所感云以落落不偶於  
時解組去士論惜之

陳貴科號少元西粵馬平人萬歷八年由舉人知

## 臨武縣志

### 卷之三十二

政蹟九

臨武公少侍父宦安仁於民間利病靡不灼然及  
來仕也父示以恤民詩至則書置座右以志警性  
勁直狷介無所隱覆尤平恕不事撻楚凡便於民  
者必求慰貼而後已如審丁刷卷攢造查盤編徭  
行錢丈田諸政舊弊往往藉以剝取公嚴飭胥史  
椽吏禁無染纖塵民賴蘇息時積谷例嚴徵牒屢  
下公息訟蠲緩獨無所積復不欲矯時孤潔以空  
函報乃輸俸循例稱塞當路咸知之而心相許也  
又故事於五六月輒預備常平舊穀民無宿儲爲

景滋甚公於此際顧開倉發貸而購辦責償悉於  
秋成以故在民無騰貴在官無蠹朽稱兩便焉值  
歲旱禱雨輒應疏一切積困滯獄案無留牘又土  
民舊在祈邑管楊二巖爲礦丁者積歲爲祈害公  
單騎招還凡三千人歸墾復業在任四年校士作  
人尤具藻鑒登賢書者皆其所首拔士云

### 補明遺傳

呂時化江南常州人神宗朝以鄉薦來宰斯邑性  
嚴毅嫉惡如仇幹事精敏折獄果斷胥吏畏服其

## 臨武縣志

### 卷之三十二

政蹟十

神明未幾以疾卒士民尸而祝之崇祀名宦祠

楊學孔字泗源滇之臨安府嶧峨縣人天啟辛酉  
以乙榜知臨武臨武與粵鄙接畛者多不馴而禾  
倉堡尤甚孔乃新學校日進父老與言人倫修城  
池薄賦徭禁溺女俗爲蒸變尋請于督學擇禾倉  
堡子弟稍知書者于額外給衣巾二名令邑佐齎  
彩幣詣其家賀之自是儒風漸盛後建邑嘉禾皆  
公之德化肇之也秩滿遷九江府同知亦以惠政  
聞次子道濟遂家于郴焉

徐天斗號心山江西鉛山人天啟間知縣事氣岸嚴吏民憚之徵收庸調剔去耗羨尤加意人才所拔多知名士在任四載卒於官

徐開禧字錫餘南直崑山人申崇禎戊辰進士知縣事慈惠恤下敬事薦紳校童子試所拔取者後皆知名於時朝夕偕諸生課藝興行自是彬彬成絃歌之俗修葺城堞邑藉以寧歷任五載擢翰林編修臨人肖像立祠以繫去思所著有韓山考勸民歌

臨武縣志

卷之三十二

政蹟十一

李興瑋

詳忠義志

蕭岐安福人洪武間以人材任臨武丞在任九年能舉其職累官至寶慶知府

宋伯鳳號見梧越嶺衛人由恩貢來貳縣事性介潔不苟取以私干者輒拒之究亦持平不執己見禾倉堡舊爲戍守而盜益滋公察其情立保甲之法嚴柝馱革徒夫民多稱便在任五年陞高郵州判

陳元暎福安人歲貢生任本縣儒學訓導有學能

詩文溫恭天然嘗課試生徒鑑別當人心見有英  
穎者嘗召之門相與問質嚴之以日課人亦樂親  
侍之平居寡言笑至聚生徒與論學則亶亶不倦  
其所期許不泛泊後多驗云

李繹石屏人歲貢生任本縣儒學教諭究心理學  
嘗以行率教諸子弟凡餽遺一無所問平居接人  
和甚及課教生徒與朔望禮謁必以信違者置之  
教刑雖老徒及素所親愛者不少惜廨宇蕭然殊  
不覺有同志者與論學輒延坐終日一盂一豆與

臨武縣志

卷之三十二

政蹟十二

共嘗之雅歌冲然自足擢教周王府索囊不足充  
路費當道檄縣量給費輒付之學欲易田以贍子  
弟固請而後受以行行之日庠生咸送之郊哭而  
別

李濬思南人由監生任臨武主簿魁碩敏於幹濟  
時獐人以三千衆入寇縣無城民庶不保濬合衆  
併力禦之又遷其衆往據舜峰巔樹柵對壘者三  
晝夜竟不能害寇退奉旨議城守當路以濬專董  
其事三年城塹俱告成又甃石建橋於縣治南凡

公署壇廟經寇燬者咸修復濬力居多

孟

琳

詳忠義志

皇清

吳從謙字六吉浙江景陵人順治間由拔貢來知縣事值軍興旁午差徭蝟集公議行均里法役使輕平在任六載多方撫輯懋著勤勞陞知武岡州

趙璫美

詳職官下

張聲遠字于野號晴園奉天廣寧人康熙二十年由官監涖任時滇蜀跋扈差役繁難公革均里縮

臨武縣志

卷之三十二

政蹟十三

里之令釐定二十四里照以丁糧當差始無偏枯初縣中錢糧有起解而無存留一切軍用開銷正供率不如額其餘徵派未有敢言開銷者公自捐俸應之雖徵符屢下仍嚴飭所司不得濫及絲毫賔敬師儒優禮寒素先是兵燹屢經城廨學宮盡皆頽蕪乃建城樓營公署造鼓樓修復廟學邑志自前明劉司馬纂修後歷百二十五年公始修輯之成一代掌故餘如毀叢祠增武備賑水灾除害興利幾於千井齊甃萬縷並挈在任九年民登康

樂和親之書至今思遺愛云

趙侗敦江蘇武進監生大中丞恭毅公嫡孫也□  
正四年來任慈祥敏練洞燭奸蠹吏胥不敢舞□  
裁革冗役嘗刻木爲皂隸民有訟者令持木隸□  
被告家召之至立即剖決憫邑科名久淹特設□  
學慮湫隘無以容生徒復度韓張亭左側大建書  
院捐廉買田以資膏火設大中丞之位於堂與韓  
張二公並祀焉邑大早有責躬禱雨文情辭悱惻  
至今傳誦之

臨武縣志

卷之三十二

政蹟十四

張世芳陝西三原監生雍正七年來知縣事廉毅  
敏幹建學宮創譙樓修造西南二壇新城隍廟革  
蠹懲奸集民安宅尤加意人材增修義學買置膏  
火田在任八年去任士民哭送之

姚思恭山西永濟進士乾隆初涖任冲和恬淡悃  
悞無華不忍酷民而訟自簡好獎進士類邑有知  
名士徒步造其廬與論詩文傾吐忘形迹至里塾  
蒙童悉教以讀書作文立行敦品歷今七十餘年  
猶有述其緒論者

杜 金字溪亭直隸舉人廉公慈惠不忍置民於法詰獄明愼苞苴路絕雅意人文選邑中俊秀扃署內試之受知者獎賚甚厚講授津津月二次如是者八年乾隆癸卯分校湖南號稱得士卒於任敝橐蕭然士民傷之贈賻有加乃得歸喪故里

宋 潢字岸堂山東膠州人嘉慶丙寅由庶常出宰臨武嚴介恢廓邑故好訟墳墓山界構釁至破家不悔廉得其情每案再三婉曲諭息不肯庭訊以耗民財有豪右訐訟夜持銀五百兩詣公公正

臨武縣志

卷之三十二

政蹟十五

色叱之丁卯旱致齊祈雨步行烈日中備歷勞憊勸民桔槔漑苗賚以酒食卒獲甘霖公暇集諸生講課文藝盛暑不倦明年卒於官篋中除書籍外別無長物其于不能歸喪士大夫賻之乃克扶櫬還膠西

譚大鎬字碧峯茶陵人由舉人任本縣儒學教諭能文善真草性坦率至課試生徒則孜孜不倦好講授經義雖酷暑嚴寒未嘗少輟遠近俊秀間亦負笈相從經其誘掖啟發遊庠食餼者先後凡數

十人後陞辰州府教授去之日諸生泣涕相送至  
有立祠奉祀者

續政蹟

麥 漣廣東東莞人謙恭好士行政內寬外嚴簡  
刑息訟嘉慶二十五年重修縣志經始於前邑侯  
鄒章周而實成於公之手才德兼備惜莅任未久  
卒於官

高 瑗江蘇人道光四年知縣事丰裁峻

整操履矚然嘗微行得刁棍痛懲之奸猾斂跡嚴

臨武縣誌

卷之三十二

政蹟十六

行保甲盜息民安以廉幹稱

嚴升偉字荔村江西分宜舉人道光十九年知縣  
事謙和勤慎捐俸倡修考棚尤能始終其事士林  
德之

張長庚號小白河南長葛舉人咸豐三年部銓邑  
令賦性朴直嘉胥積弊次第澄清飢法者或欲上  
下其手必痛懲之無少貸會粵西髮逆倡亂土匪  
乘間竊發是年夏刦水東埠公聞變會營緝獲渠  
魁悉按法駢誅四境稍謐是冬校童子試甄拔無



遺才體素羸旋乞病歸邑人製萬家衣送之

吳 灝號達生安徽全椒廩貢咸豐三年視邑事清廉謹厚愨實明通甫下車脩理城垣首倡團練行保甲之法會粵東紅巾賊煽擾星連窺伺臨墳者數月公督勇出防茅結嶺扼要守禦民賴以安至於敬教勸學息訟弭盜諸善政不可殫述惜視事年餘卒於任迄今輿頌弗衰

施 濟號泉門安徽青陽拔貢咸豐六年知縣事有諳練才臨機善應曲體民情每判案尙平恕拳

臨武縣誌

卷之三十二

政蹟十七

拳然勸人息訟不侈深文不稽重律遇有履勘單騎獨徃從人無敢婪索潔己愛民有古循吏風在任二年遷零陵去之日餞者遮道

教諭

曹家玉號荆陽衡山舉人嘉慶十八年任臨武教諭學問淹博二十二年纂輯邑志人稱詳贍俸滿三次推升湖北宜昌府教授

吳 淞號半江湘潭人道光十四年由廩貢任教諭和平樂易嘗脩筵訂詩文課甲乙而獎勸之或

無力赴省闈者贈以資斧其樂育類如此

### 訓導

夏 普號湘湄常甯舉人性恬淡躬崇儉樸嘉道間司訓十六載未嘗携眷隨任一氊冷守分毫不苟取卒之日篋無餘貲以廉著

李本敬號寬翁湘潭歲貢道光二十三年任訓導喜談文學規整肅士多嚴憚尤關心文教凡形家言培植文風者每樂捐貲倡建

章俊純號謹堂善化舉人咸豐十一年任訓導性

## 臨武縣誌

### 卷之三十二

政蹟十八

耿直一行不苟奉文會詳節孝二百餘口未嘗取人分毫摯儀與教諭陳佑啟共事五載志同道合相愛逾於手足同治丙寅夏同纂邑乘開局未久遽歸道山惜哉

### 典史

蔣 漣廣西全州人由庠生於咸豐四年任 仕臨武典史逸情朗抱有儒雅風署中立詩社公餘輒與邦人士迭相倡和躬行清謹不越職千事且勤於督捕盜風亦息咸豐五年粵匪撲城圍攻九

晝夜隨同邑侯盧肇煦叅將趙永年登陣固守與有力焉

叅將

趙永年山西代州人素嫻韜畧歷著戰功咸豐三年任臨武營叅將布衣粗糲自奉甚約能與士卒同甘苦號令嚴明營規整肅無有敢踰法者初抵任邊警漸起公脩守禦勤訓練以備不虞自製雨笠數萬具蒺藜萬餘淬以毒汁及火球滾木等物悉密藏之人初不知何爲迨四年十月粵寇竄擾

臨武縣誌

卷之三十二

政蹟十九

縣境土匪蠡起邑城戒嚴公取素脩者皆得應手退賊萬計如是者數次最後於五年六月粵逆陳金剛大股復至勢張甚公同縣令盧肇煦督率兵勇登陴固守寢食弗遑邦人士有策守禦者悉虛心納受以是得衆心而樂爲之用當賊環攻時呼聲動地公傳令守者靜以持之乘賊隙擊之輒勝深得以靜制動之法計歷九晝夜無一息懈賊計窮圍解公開城窮追數十里斬馘甚衆城中生靈數十萬得以保全偉哉烈乎公忠勇出自天性督

陣每以身先嗣由嘉禾追賊至甯遠路亭遇伏力  
鬥援絕歿於陣事

聞賜卹蔭如例

把總

邵定太永州人咸豐三年官臨武營把總夙嫻將  
畧是年十月土匪尹石保襲據嘉禾城叅將趙永  
年率定太往勦駐紮團村以定太爲前隊至牛行  
渡夾泚而軍定太見賊無紀律渡河奮擊賊退保  
入城太直薄堞下維時尹逆繡衣大纛坐南樓指

臨武縣誌

卷之三十二

政蹟二十

揮其軍矢石如雨太未嘗稍卻進攻益力自辰至  
未鼓音不絕忽角聲嗚嗚從東門出太恐本營爲  
賊據全軍將殲急躡賊後力窮援絕歿於陣事

聞人祀昭忠祠

唐仁皋小灣人幼習弓矢應童子試屢冠軍旋入  
營叅戎某見而器之擢臨武營把總咸豐五年冬  
隨叅將趙永年追賊至甯遠之路亭趙公深入遇  
伏中傷墜馬唐往掖馬賊圍數重矢窮援絕趙永  
年被害仁皋亦殉難事

聞入祀昭忠祠

汪廷富咸豐五年官臨武營把總莅任後整隊伍  
禁樗蒲營規肅然會粵匪犯永州鎮軍福公調派  
堵勦禦賊於東安賊據高阜縱數騎來餌富躡追  
之遇伏陣亡

按自嘉慶丁丑後數十年來文武中循能卓越勳  
蹟懋昭代不乏人茲擇其尤者紀之其現存者不  
紀循舊例也